

MASJID BANDARAYA KUCHING SARAWAK TAHUN 1839-2019

Nurhidayah Binti Abd.Rahim

UIN Sunan Ampel Surabaya

nurhidarahim59@gmail.com

Nyong Teguh Eka Santosa

UIN Sunan Ampel Surabaya

nyongeka@uinsby.ac.id

Abstract: This study is to find out the development of Kuching Bandaraya Mosque Sarawak and its function to the community. Islam in Kuching Sarawak was carried by the Sultanate of Brunei in the 15th century. The historical method used here consists of heuristics, verification, interpretation, and historiography. The discussion relates to a political history in which the theory of power dominance is applied. The results of this study indicate that the Bandaraya mosque was awakened in 1839. Its development passed through several periods.

Keywords: *Kuching Bandaraya Mosque, Sarawak, Malaysia, the Sultanate of Brunei*

PENDAHULUAN

Masjid dan agama Islam diibaratkan seperti irama dan lagu yang tidak dapat dipisahkan. Masjid adalah simbol dari hubungan antara manusia dan Allah Subhanallahu Wa Ta'ala. Dalam sejarah Islam, masjid merupakan satu institusi yang sangat penting. Masjid bukan sekadar merupakan satu tempat bagi umat Islam melakukan ibadah-ibadah khusus seperti shalat, membaca al-Qur'an, berdzikir dan sejenisnya, bahkan ia telah dijadikan pusat pengembangan masyarakat Islam yang lebih komprehensif (Al-Azawe, Abed Al-Sater, 1998).

Oleh karena itulah usaha pertama yang dilakukan oleh Rasulullah Shallallahu Alaihi wa Salam untuk membentuk masyarakat dan negara Islam di Madinah adalah mendirikan masjid. Masjid Nabawi di Madinah telah menjadi nadi kepada segala kegiatan penting di zaman Rasulullah Shallallahu Alaihi wa Salam, di mana beliau mendidik umatnya agar dapat mengatur urusan hidup dan urusan agama pada tingkat individu, keluarga, masyarakat dan negara. Lantaran itu, masjid telah memainkan peran yang sangat luas yang mencakup aspek-aspek ibadah, ilmu, politik, ekonomi, militer, administrasi, pembentukan kebijakan negara, hubungan antara negara dan sebagainya (Seragaldin and Steele 1996). Dalam pendapat yang lain, menurut Yusuf al-Qardhawi, "masjid" adalah rumah Allah Subhanallahu wa Ta'ala, yang dibangun agar umat mengingat, mensyukuri, dan menyembah-Nya dengan baik" (Qardhawi (al), 2000: 7).

Sarawak merupakan salah satu negara bagian Malaysia yang berasaskan Islam. Terletak di bagian barat pulau Kalimantan berbatasan langsung dengan Provinsi Kalimantan Barat di sebelah selatan, Kalimantan Timur di sebelah timur, sedangkan kawasan lautnya di sebelah barat berbatasan langsung dengan Propinsi Kepulauan Riau. Negeri Sarawak beribukota di Bandaraya (Kotamadya) Kuching. Sungai Sarawak yang membelah Bandaraya Kuching menjadi salah satu ikon bagi kota ini.

Sebagai sebuah Negara yang berasaskan Islam, Setiap Negeri (Negara Bagian) di Malaysia memiliki Masjid Negeri. Masjid Negeri dibangun di masing-masing pusat pemerintahan Negeri. Di Indonesia semacam Masjid Agung Provinsi. Negeri Sarawak memiliki dua Masjid Negeri. Ini terjadi karena pemerintahan Negeri Sarawak membangun kawasan pusat pemerintahan baru di Petra Jaya di mana dibangun Masjid Negeri yang baru di sana. Studi ini akan membahas tentang Masjid Negeri sebelumnya yang biasa disebut dengan Masjid Bandaraya Negeri Sarawak.

HASIL DAN PEMBAHASAN

Islam di Sarawak

Islam mula masuk di Sarawak pada abad ke-15 lagi dan buktinya adalah semasa pemerintahan Kesultanan Brunei ditadbir oleh Sultan Muhamad (Awang Khalak Betatar). Daerah-daerah kekuasaan Brunei seperti wilayah Kalaka, Saribas, Samarahan, Sarawak (Kuching) dan Mukah. Kini semua wilayah di atas terletak di bawah pentadbiran negeri Sarawak. Pendapat lain menyatakan Islam mula bertapak di Sarawak adalah pada abad ke 16 dan mula berkembang ke negeri negeri lain di sekitar negeri Sarawak termasuk Bintulu.

Hubungan antara Brunei dan Sarawak ini mencetuskan detik awal bermulanya Islam masuk ke Sarawak (1476M). Penekanan kepada ajaran Islam amat dititikberatkan terutama kepada orang Melayu Sarawak. Buktinya peringkat kanak-kanak didedahkan dengan ajaran Islam menerusi kaedah menghafaz, mengaji ayat-ayat al-Quran dalam bahasa Arab. Kelas-kelas mengaji al-Quran ditubuhkan di kebanyakan perkampungan Melayu Sarawak. Kanak-kanak perempuan menerima pendidikan Islam daripada ibu bapa atau ahli keluarga terdekat, Makala kanak-kanak laki-laki dihantar ke rumah seorang guru atau ustaz yang amat di hormati pada ketika itu (Yusof, 2016: 2).

Setelah Sultan Brunei menjadikan Sarawak sebagai negerinya, Pada tahun

1521M, Sultan Brunei telah mengeluarkan arahan agar Islam disebarkan secara lebih aktif ke seluruh wilayah Brunei dan Sarawak. Antara kawasan yang berada di bawah penguasaan Kesultanan Brunei pada ketika itu (1370M/sebelum kedatangan penjajah British mulai tahun 1830M) ialah wilayah Kalaka, Saribas, Sagong dan Samarahan termasuk Mukah, Oya, Matu dan Baram. Hubungan yang terjalin antara Kesultanan Brunei dengan Sarawak telah memberi impak positif dalam perkembangan Islam di Sarawak kerana sebelum ini Sarawak berada di bawah jajahan taklukan Kesultanan Brunei bermula dari Tanjung Datu di Bahagian Selatan hingga ke Manila Filipina di bahagian utara. Islam menjadi kuat pada ketika itu disebabkan pengaruh besar para pembesar dan raja-raja yang beragama Islam serta keistimewaan yang diberikan oleh Sultan Brunei (Sultan Muhamad Shah) kepada pedagang-pedagang Arab. Sultan Muhamad adalah nama baharu kepada nama asal baginda iaitu “Awang Alak Betatar”. Dalam Salasilah Raja-raja Brunei, Sweeney (1968) mencatatkan (Horton, 1914: 24):

“Shahadan tersebut pula negeri Johor. Adapun mula-mula pada zaman itu Sultan Bahteri naik kerajaan di dalam negeri Johor, maka zaman itu dipanggilnyalah Awang Khalak Betatar dan Pateh Merbai di dalam negeri Brunei ke Johor. Awang Khalak Betatar itu Sultan Muhamad ialah jadi raja yang pertama di dalam Brunei”.

Dalam catatan China, Raja Brunei iaitu Sultan Muhamad Shah dikenali dengan nama “Ma-ha-mo-sa” mengikut sebutan pelat China. Gelaran ini merujuk kepada nama Islam Sultan Brunei yang pertama yang sebelum ini lebih dikenali dengan nama Awang Alak Betatar. Dato Andi juga memainkan peranan penting dalam penyebaran Islam dan telah berhijrah ke Sarawak. Semasa di Sarawak, beliau telah berjaya mengislamkan ramai penduduk tempatan dan mereka menerima Islam dengan amat baik sekali. Dato Andi ini berasal dari wilayah Sumatera. Sejarah orang Melayu Sarawak amat berkait rapat dengan kerajaan Melayu Brunei.

Sumber lisan daripada pembesar-pembesar Melayu di Kuching dan Saribas menyatakan pemerintahan Sarawak pada awalnya di tadbir oleh orang Melayu. Sebagai bukti cerita-cerita lagenda Raja Jarum dari wilayah Jawa dan Datu Merpati bersama anak beliau iaitu Merpati Jepang dari Sumatera yang mendiami wilayah Santubong dan Lidah Tanah. Daripada keturunan Datu Merpati ini, mereka menjadi pembesar-pembesar di Kuching yang memegang beberapa jawatan seperti Datu Patinggi, Datu Bandar dan Datu Temenggung (Abd Rahman: 2001).

Hal yang sama berlaku di Saribas yang menonjolkan orang Melayu awal di Sarawak seperti dalam cerita lagenda Abang Godam dari Minangkabau yang menjalin hubungan dengan pembesar Brunei, Temenggung Abdul Rahman beliau (Abang Godam) telah dilantik selepas itu sebagai pemerintah di Saribas, Lupar dan Kuching. Keturunan beliau ini kemudian menjawat jawatan Datu Patinggi, Datu Bandar dan Datu Laksamana di Batang Saribas. Hal ini berlaku pada tahun 400 tahun di masa penguasaan Brunei yang melambangkan pemerintahan orang Melayu di Sarawak (Kling: 1989).

Madhi Johari (1988) dalam tulisan beliau tentang Hikayat Datuk Merpati: Roman Sejarah Sarawak telah mengemukakan salasilah keturunan Datu Merpati (berasal dari Jawa), malahan sebahagian besar penduduk Sarawak mengakui mereka berasal daripada keturunan Melayu Datu Merpati yang menjadi penabur benih kewujudan masyarakat Melayu Sarawak. Antara salasilah keturunan Datu Merpati seperti yang terbit dalam Sarawak Museum Journal (1949), dan diterbitkan oleh Muzium Sarawak yaitu: Abang Ali (Santubong) , Dato Andi (Raja Jarum Johor), Perbaitan Sari (Anak Raja Jawa), Dayang Murdiah, Dayang Suri (Permaisuri) , Raja Merpati, Raja Uri, Gusti Merpati Jepang, Dayang Seri Bulan Naga, Pateh Menggadai (Datu Patinggi). B.A St. Hepburn dalam buku beliau The Handbook Of Sarawak berpendapat orang Melayu Sarawak berasal dari Sumatera, Jawa, Johor dan Kalimantan (Sarawak Museum Journal: 1949).

Mohd Rakawi Yusof (1932) dalam buku beliau Hikayat Sarawak berpendapat orang Melayu Sarawak sememangnya berasal dari Minangkabau Sumatera manakala moyang orang Sarawak berasal dari Sumatera daripada keturunan Dato Andi yang memakai gelaran Raja Jarum. Pendapat beliau diakui oleh sarjana barat B.A. St. Hepburn.

Wan Yahya Wan Ahmad, pensyarah kanan Universiti Malaya berpendapat hubungan kedatangan Islam ke Sarawak dan kedatangan Islam ke Brunei amat berkait rapat, meskipun Sarawak yang juga dikenali sebagai Kuching pada ketika itu adalah sebuah wilayah kecil, namun ia menerima kemasukan Islam dengan begitu pesat sekali. Justeru penulis berpendapat penyebaran Islam ke Sarawak adalah melalui Brunei. Agama Islam telah bertapak di Brunei sejak abad ke-10 dan ke-11 lagi. Pada tahun 977M, satu utusan dari China yang diketuai oleh Pu Ali (Abd. Rahman, 2000:

15), Shih Nu (Syeikh Nuh) dan Kadi Kassim telah tiba ke Brunei untuk menyebarkan agama Islam. Islam di China amat dihormati dan rakyat China memanggil Islam dengan nama Qing Zhen Jiao iaitu agama Qing Zhen. Qing bermaksud jernih dan Zhen bermaksud ikhlas. Sebelum itu, terdapat seorang pedagang China yang dipercayai beragama Islam iaitu Pu Lu Hsieh telah berada di Brunei dan menyebarkan Islam.

Kebiasaan pemakaian “Pu” ini merujuk kepada masyarakat China yang telah memeluk Islam dan juga penemuan Batu Nisan Puteri Makhdarah bt. Ali pada tahun 1048M bersamaan 440 Hijrah membuktikan Brunei adalah tapak asal kedatangan Islam sebelum Islam dibawa ke Sarawak. Kemudian peranan penyebaran Islam ini diambil pula oleh Awang Khalak Betatar. Pendapat lain ada menyatakan Islam ke Sarawak menerusi pedagang-pedagang yang datang membuat dagangan di pelabuhan seperti Santubong. Hal ini adalah kerana Santubong pada ketika itu masih berada di bawah pentadbiran Sultan Brunei (Yusof, 2016: 5). Hal ini adalah kerana Santubong pada ketika itu masih berada di bawah pentadbiran Sultan Brunei. Dari sudut geografi Santubong terletak di bahagian barat daya Kepulauan Borneo. Ia pernah menjalin hubungan perdagangan dengan India dan China ketika pemerintahan Kesultanan Brunei pada abad ke-12 dan 13. Merujuk kepada sejarah Kesultanan Brunei, Santubong adalah ibu negeri pertama Sarawak lewat abad ke-16. Hal ini terjadi pada masa pemerintahan Pengiran Tengah Ibnu Sultan Muhamad Hassan yang merupakan anak ketiga Sultan Brunei. Beliau adalah Sultan yang pertama dan terakhir mentadbir negeri Sarawak.

Pertabalan Sultan Pengiran Tengah menjadi Sultan Sarawak Daru Hana pada tahun 1599M merupakan titik awal Islam bertapak di Sarawak. Sebelum beliau belayar ke Johor dan Pahang, beliau telah melantik Datu Patinggi Seri Setia, Datu Shah bandar Indera Wangsa, Datu Amar Seri Diraja dan Datu Temenggong Laila Wangsa sebagai menteri-menteri di beberapa wilayah pentadbiran Sarawak. Malangnya dalam perjalanan balik dari Johor, kapal yang dinaiki Sultan Pengiran Tengah telah karam berdekatan persisiran pantai Sukadana. Semasa di Sukadana Sultan Pengiran Tengah telah berkahwin dengan Puteri Sukadana. Dalam perjalanan balik ke Sarawak beliau telah meninggal dunia dekat Batu Buaya dan jenazah beliau telah dikebumikan di Santubong pada tahun 1641M ((Yusof, 2016: 6).

Gambar 1 dan 2 di bawah menunjukkan pada tanggal 11 Maret 1993, pemerintah negara bagian sarawak telah mendeklarasikan makam Sultan Pangiran

Tengah Ibnu Sultan Muhammad Hassan yang berusia 352 tahun sebagai situs bersejarah. Mausoleumnya terletak di persimpangan Jalan Damai dan Jalan Kampung Santubong, di Kuching. Mausoleum seharga RM546.000,00 memulai konstruksinya pada tanggal 7 November 1994 dan itu selesai pada Mei 1995 dan dijadikan sebagai monumen bersejarah di Sarawak (Pat Foh:2006: 15). Malahan, Jalan raya dari Petra Jaya menuju ke Santubong juga turut dinamakan Jalan Sultan Pengiran Tengah. Oleh itu, Sudah jelas bahwa Sarawak di sekitar wilayah Kuching pada tahun 1850 adalah pimpinan Sir James Brooke yaitu Rajahh Putih Sarawak pertama telah sepenuhnya membangun kerajaannya di sana. Namun daerah Santubong sekarang, yang tersisa adalah nelayan dan hari ini Santubong masih tetap menjadi desa nelayan meskipun terdapat beberapa daerah lainnya telah dikonversi menjadi daerah wisata terutama di sepanjang kawasan pantai Santubong dan Damai.



Gambar 1:

(Menteri Pembangunan sosial Datuk Adenan Haji Satem bersama penulisnya Chang Pat Foh disebelah kannnya)



Gambar 2:

(Kondisi makam Sultan Tengah di Santubong dibangun pada tahun 1641)

Manakala majoriti penduduk bahagian Sri Aman dan bahagian Kapit Sarawak telah menerima Islam dan ditambah pula dengan pengislaman ketua-ketua kaum, perkahwinan dengan gadis-gadis Melanau dengan penduduk di beberapa bahagian Sarawak termasuk Baram dan Miri. Justeru Islam telah bertapak di Sarawak bermula pada abad ke-15 lagi dan buktinya adalah semasa pemerintahan Kesultanan Brunei ditadbir oleh Sultan Muhamad (Awang Khalak Betatar) di daerah kekuasaan Brunei seperti yang dinyatakan sebelum ini iaitu wilayah Kalaka, Saribas, Samarahan, Sarawak (Kuching) dan Mukah. Kini, semua wilayah di atas terletak di bawah pentadbiran negeri Sarawak. Sementara pendapat lain menyatakan Islam mula bertapak di Sarawak adalah pada abad ke-16 dan mula berkembang ke negeri lain di sekitar negeri Sarawak termasuk Bintulu.

Penekanan kepada ajaran Islam amat dititikberatkan terutama kepada orang Melayu Sarawak. Sejak kecil kanak-kanak didedahkan dengan ajaran Islam menerusi kaedah menghafaz, mengaji ayat-ayat al-Quran dalam bahasa Arab. Kelas-kelas mengaji al-Quran telah ditubuhkan di kebanyakan perkampungan Melayu Sarawak. Kanak-kanak perempuan pula menerima pendidikan Islam daripada ibu bapa atau ahli keluarga terdekat, manakala kanak-kanak lelaki akan dihantar ke rumah seorang guru atau ustaz yang amat dihormati pada ketika itu.

Walau bagaimanapun tarikh sebenar kedatangan Islam ke Sarawak adalah suatu perkara yang tidak dapat dipastikan dengan tepat, sebagaimana tarikh sebenar kedatangan Islam ke Alam Melayu yang masih tidak mencapai kata sepakat para

pengkaji hingga kini (Abd. Rahman, 1981: 19). Apa yang jelas, penyebaran Islam pada peringkat awal adalah lebih awal daripada penjajahan Barat dan dikukuhkan lagi apabila terbentuk Kerajaan Melayu Melaka (1400-1511). Perkembangan Islam juga terbatas di kawasan perdagangan iaitu kawasan pantai sahaja, di mana pelabuhan-pelabuhan pada waktu itu dikuasai oleh para pedagang Arab. Bukti-bukti lain berasaskan penemuan daripada catatan-catatan yang wujud pada batu-batu nisan orang Islam di Brunei pada abad ke-15 dan hubungan erat antara kerajaan Sarawak dengan Brunei.

Para sarjana merumuskan pelbagai teori untuk menguraikan kesamaran mengenai proses penyebaran Islam ke Pulauan Melayu. Walaupun sarjana- sarjana seperti T.W. Arnold, Syed Naquib al-Attas, Hamka dan J. Crawford merumuskan bahwa Islam disebarkan oleh masyarakat Arab, tetapi kebanyakan para pengkaji seperti J.P. Moquette, R.A. Kern dan Van Ronkel didapati cenderung menyokong teori yang dikemukakan oleh Snouck Hugronje bahwa Islam disebarkan di kepulauan Melayu dari India (A. Hasjmy 1981: 358). Di samping itu, terdapat juga pengkaji seperti Emanuel de Eradia (A. Hasjmy 1981: 180) yang cenderung kepada teori yang mengatakan bahwa Islam disebarkan ke Kepulauan Melayu dari China berdasarkan penemuan batu bersurat dan batu nisan kuno di sepanjang pesisir Pantai Indo-China menganjur ke pantai Timur Semenanjung Tanah Melayu dan juga pantai utara Borneo (Omar dkk, 2003: 70). Tarikh kedatangan Islam juga sering diperdebatkan. Sarjana tempatan, antaranya Naquib al-Attas cenderung mengatakan bahwa Islam disebarkan ke rantau ini seawal abad 1H/7M (Othman 1990: 12). Namun kebanyakan sarjana, terutama dari Barat atau berpendidikan Barat berpendapat bahwa Islam tiba agak lewat di Kepulauan Melayu, iaitu sekitar abad ke-12 hingga ke-15M (A. Hasjmy 1981: 358). Fatimi dalam *Islam Came To Malaysia* (1963) merumuskan kedatangan Islam ke Kepulauan Borneo sebenarnya jauh lebih awal daripada tarikh pengislaman ini. Namun tarikh yang tepat masih diperselisihkan oleh para pengkaji. Apa yang penting ialah Islam mula bertapak kukuh di Borneo setelah peristiwa pengislaman ini. Bahwa Islam masuk ke Kuching, Sarawak dibawa oleh kesultanan Brunei pada abad ke-15 dimana Kuching Sarawak merupakan antara kawasan yang berada di bawah penguasaan Kesultanan Brunei 1370M sebelum kedatangan penjajah British. Islam menjadi menjadi kuat pada ketika itu disebabkan pengaruh besar para pembesar dan raja-raja yang beragama Islam serta keistimewaan yang diberikan oleh Sultan Brunei (Sultan Muhammad Syah) kepada

pedangan-pedangan Arab yang berdagang di Sarawak dan sekaligus menyebarkan Islam di sana. Islam bertambah berkembang di Kuching Sarawak juga hasil sumbangan ulama yang mendakwahnya.

Perkembangan Masjid

Lebih dari 100 tahun yang lalu, tokoh masyarakat Melayu di Kuching telah memilih daerah berbukit di tepi sungai, sarawak untuk dijadikan sebagai lokasi pembangunan masjid. area seluas lima hektar di tengah kota masih telah menjadi situs masjid milik negara.

Pada tahun 1839, Masjid Bandaraya Kuching ini telah didirikan oleh Datu Patinggi Haji Ali dan Keluarganya. Datu Patinggi Ali memainkan peranan yang besar di kalangan orang Melayu di Kuching pada masa itu. Datu Patinggi pada asalnya pejuang orang Melayu Sarawak yang menentang penindasan pentadbiran Brunei yang dinaungi oleh pengiran. Beliau mengaku kalah pada Disember 1840 apabila mengetahui James Brooke bakal mengambil alih tampuk pemerintahan di Sarawak dan berkhidmat sebagai pahlawan Melayu untuk kerajaan baru dari 1841-1844. Beliau dan keluarganya merupakan penyumbang utama kepada pembinaan Masjid Bandaraya Kuching dan orang Melayu terhutang budi kepada kesungguhan dan usaha mereka sekeluarga. Masjid besar pertama itu dibina hampir keseluruhan atas usaha Datu Patinggi Ali dan ahli keluarganya yaitu (Chater, 1969: 62):

1. Mohammed Lana (anak lelaki)

Lana merupakan anak sulung Datu. Beliau dikatakan pendiam dan selalu uzur tetapi berani berperang. Beliau adalah orang yang mengumpulkan orang Melayu untuk mengusir pemberontak pada 1847 ke hulu Sarawak dan menyeberangi sempadan tanah milik Belanda ke Sambas. Pada 1848, beliau merayu untuk mendapatkan wang bagi menggantikan masjid yang terletak di tebing sungai dengan masjid yang lebih besar. Ia bertujuan bagi menyerlahkan agama Islam di Sarawak. Namun, ia mengambil masa 4 tahun untuk mengumpulkan wang dan pada 1852, pembinaan masjid itu berjaya diselesaikan-dibina menggunakan kayu dan ditambah dengan kubah berwarna emas pada 1868.

2. Haji Bua Hassan (anak lelaki)

Haji Bua merupakan pengganti kepada Haji Abdul Gapor yang menjadi pengganti Datu Patinggi. Walau bagaimanapun beliau melepaskan jawatan 9 tahun

kemudian selepas kematian abangnya, Datu Bandar Lana pada 1865. Haji Bua dikatakan seorang yang jujur dan taat dalam kerajaan. Dengan perkhidmatan yang baik selama 50 tahun, beliau disanjung dan menerima penghormatan. Pada 1906, beliau meninggal dunia ketika berumur 106 tahun.

3. Haji Mohammed Aim atau dikenali sebagai Mataim (anak lelaki)

Haji Mataim merupakan imam ke-4 di Masjid Bandaraya tersebut. Beliau memegang jawatan imam selama 21 tahun sehingga beliau meninggal dunia pada 1898. Berdasarkan catatan rekod, beliau disukai oleh orang kerana mempunyai sifat yang baik, tegas dan jujur dan 'tidak ada lelaki yang lebih sopan daripadanya.

4. Haji Abdul Gapor (menantu lelaki, suami kepada anak Datu yang kedua Dayang Inda)

Setelah kematian Datu Patinggi Ali di Patusan pada 1844 bersama Encik George Stewart, Haji Abdul Gapor menjadi pengganti dan mendapat gelaran Datu Patinggi serta menjadi imam di Masjid Bandar (Chater, 1969: 63). Beliau menjawat jawatan tersebut dari 1852 hingga 1854 apabila beliau disingkirkan oleh Rajah kerana menyimpan niat dengan alasan kerajaan British tidak mengiktiraf James Brooke sebagai pemerintah, maka orang Melayu juga harus berbuat demikian. James Brooke menghantar beliau ke Mekah untuk menunaikan haji dengan harapan beliau akan berubah fikiran tetapi beliau tetap tidak mengiktiraf Rajah setelah kembali semula ke Kuching. Akhirnya beliau dihantar ke Melaka dan beliau menghembuskan nafas terakhir di sana.

5. Haji Abdul Karim (saudara Datu)

Haji Abdul Karim menjadi imam ketiga selepas Haji Bua meletakkan jawatan dan mewarisi gelaran Datu Bandar. Beliau menjawat jawatan imam selama 12 tahun dan meninggal dunia pada 1877. Pada tahun 1852, masjid tersebut telah dibina secara bergotong-royong dan merupakan bangunan yang berdingkan kayu dan bertiangkan batu. Ia juga dapat menampung seramai 3000 jemaah. Pada tahun 1932, masjid bahagian tersebut telah diubah bentuknya dengan menggantikan bumbungnya dengan kubah (dome) dan lantai kayunya diganti dengan simen (Tim Undangan Negeri Sarawak, 2016: 9). Biaya bagi kerja-kerja ini telah ditanggung oleh kerajaan Brooke pada masa tersebut. Sementara itu, beberapa orang pemimpin masyarakat Melayu seperti Datuk Patinggi Abang Haji Abdillah, Datuk Imam

Abang Haji Morshidi dan Datuk Muhd. Zain telah dengan murah hati mengeluarkan dana untuk menggantikan atap, pintu dan jendela masjid tersebut.

Dalam bulan Juli tahun 1963, Jawatankuasa Lembaga Amanah Masjid ini telah mengadakan rapat dan dengan sebulat suara telah bersetuju untuk menjalankan kutipan derma bagi perbelanjaan membina Masjid yang baru memandangkan bahawa bangunan Masjid ini telah rosak. Rancangan ini juga telah bersesuaian dengan keadaan semasa. Sebelum ini, yaitu pada tahun 1958 memang sudah terdapat cadangan daripada Lembaga Amanah Masjid ini untuk memungut derma bagi tujuan memperbaharui bangunan Masjid ini, tetapi uang kutipan yang diperoleh tidak mencukupi. Oleh itu, kutipan diteruskan berikutan rancangan hendak membina Masjid yang baru.

Perkara ini telah mendapat persetujuan daripada Yang Teramat Mulia Tunku Abdul Rahman Putra Al-Haj, Perdana Menteri Malaysia pada waktu itu. Pada tahun 1966 Yang Teramat Mulia Tunku Abdul Rahman Putra Al-Haj telah merasmikan upacara perletakkan Batu Asas bagi Masjid Bandaraya tersebut.

Pada 5 Februari 1967 kerja meroboh masjid yang sudah tua itu telah dimulakan oleh tentara darat Squadron Engineer, Briged Ke-3 Askar Melayu DiRaja Malaysia dan tugas tersebut selesai pada bulan Mei. Pada 17 Jun 1967, pembinaan Masjid baru itu telah dimulakan dan siap pada pertengahan tahun 1968. Masjid yang dinamakan dengan Masjid Bahagian ini telah memakan sumbangan lebih setengah juta ringgit sementara bakinya adalah derma daripada orang ramai. Ruang Masjid ini boleh menampung seramai 4,000 orang jemaah.

Pada 20 September 1968, Masjid ini telah dirasmikan pembukaannya oleh Duli Yang Maha Mulia Seri Paduka Baginda Yang di-Pertuan Agong, Tunku Ismail Nasiruddin Shah ibni Al-marhum Sultan Zainal Abidin (Tim Undangan Negeri Sarawak, 2016: 10).

Periodisasi Perkembangan

1. Tahun 1839 - 1852

Masjid Pertama yang dibina di Bandar Kuching pada tahun 1839. Masjid Besar inilah yang terawal dan juga tertua di Negeri Sarawak dan telah menjadi lambang Islam di negeri ini. Masjid ini dibina dengan berbentuk rumah orang melayu dengan hanya menggunakan peralatan kayu dan berdiri megah berhampiran tebing Sungai

Sarawak.

2. Tahun 1852 – 1932

Pada tahun 1852, Perkembangan penduduk yang beragama Islam telah bertambah ramai di Bandar Kuching. Oleh itu pembinaan tambahan dan pembaikan telah dilakukan untuk keperluan umat Islam menunaikan ibadah. Maka tiang-tiang dinding dan lantai masjid diubah daripada simen akan tetapi atap masjid masih menggunakan kayu berlian sehingga ke tahun 1932.

3. Tahun 1932 - 1963

Seterusnya, pada tahun 1932 para usahawan dan masyarakat islam dengan bantuan dari kerajaan Raja Brooke telah bersama-sama berusaha membina dan memperbesarkan lagi Masjid tersebut dengan pembinaan pintu besar, jendela-jendela, mimbar dan kubah tinggi besar bewarna hitam.

4. Tahun 1963 - 1966

Pada bulan Februari tahun 1966, Perdana Menteri Malaysia yang pertama yaitu Tunku Abdul Rahman Putra Al-Haj telah mencadangkan agar masjid lama ini digantikan dengan sebuah masjid yang baru. Rencana perluasan tersebut ternyata juga mendapatkan respon yang baik dari seluruh tokoh muslim Sarawak, meskipun dana yang dibutuhkan mencapai lebih dari RM. 1 Juta. Pada tahun 1967, bangunan masjid lama dirobohkan dan proses pembangunan masjid yang baru pun dimulai.

5. Tahun 1968 – 2019 (sekarang)

Pembangunan ini membutuhkan waktu 1 tahun saja, selesai dan diresmikan pada tahun 1968, oleh Yang di Pertuan Agung Malaysia.

Fungsi Masjid

Masjid Bandaraya Kuching yang terlihat indah dan permai serta tersergam dengan megahnya tentu dibina untuk menunaikan fungsi-fungsinya kepada masyarakat, tidak hanya sebagai simbol dari kebesaran dan keluhuran Agama Islam. Secara umum, masjid ini telah berfungsi sebagaimana lazimnya suatu masjid didirikan.

Fungsi utama masjid adalah tempat sujud kepada Allah Subhanallah wa Ta'ala, tempat shalat dan tempat beribadah kepada-Nya. Lima kali sehari semalam umat Islam dianjurkan mengunjungi masjid untuk melaksanakan shalat secara berjamaah. Masjid juga merupakan wadah yang paling strategis dalam membina dan menggerakkan potensi umat Islam untuk mewujudkan sumber daya manusia yang tangguh dan

berkualitas. Sebagai sarana Islam, masjid kini digunakan dan dimanfaatkan melalui kegiatan sosial masyarakat mengajarkan kepada yang ma'ruf da' mencegah pada yang mungkar.

Dalam pengaktualisasian ajaran Islam, masjid turut merupakan tempat yang strategis untuk gerakan dakwah. Sebagai pusat gerakan dakwah, masjid juga dapat difungsikan sebagai pusat pembinaan akidah umat, pusat informasi dan pengembangan ilmu pengetahuan dan teknologi serta sebagai pusat gerakan dakwah seperti pengajian, majlis ta'lim, penyelenggaraan pendidikan dan lain-lain aktivitas Islam lainnya. Selain itu fungsi masjid adalah:

1. Masjid merupakan tempat kaum muslimin beribadat dan mendekatkan diri kepada Allah Subhanallahu wa Ta'ala.
2. Masjid adalah tempat kaum muslimin beri'tikaf, membersihkan diri, menggembleng batin untuk membina kesadaran dan mendapatkan pengalaman batin atau keagamaan sehingga selalu terpelihara keseimbangan jiwa dan raga serta keutuhan kepribadian.
3. Masjid adalah tempat bermusyawarah kaum muslimin guna memecahkan persoalan-persoalan yang timbul dalam masyarakat.
4. Masjid adalah tempat kaum muslimin berkonsultasi, mengajukan kesulitan, meminta bantuan dan pertolongan.
5. Masjid adalah tempat membina keutuhan ikatan jamaah dan kegotong royongan di dalam mewujudkan kesejahteraan bersama.
6. Masjid dengan majlis taklimnya merupakan wahana untuk meningkatkan kecerdasan dan ilmu pengetahuan muslimin.
7. Masjid adalah tempat pembinaan dan pengembangan kader-kader pimpinan umat.
8. Masjid tempat mengumpulkan dana, menyimpan, dan membagikan.
9. Masjid tempat melaksanakan pengaturan dan supervise sosial.

Masjid juga merupakan tempat yang paling banyak dikumandangkan nama Allah melalui azan, qamat, tasbih, tahmid, tahlil, istighfar dan ucapan lain yang dianjurkan dibaca di masjid sebagai bagian dari lafaz yang berkaitan dengan pengagungan asma Allah.

SIMPULAN

Islam masuk ke Kuching, Sarawak dibawa oleh kesultanan Brunei pada abad ke 15. Selain peran para penguasa muslim, Islam diterima penduduk Sarawak juga hasil sumbangan para ulama di samping faktor-faktor lainnya. Masjid Bandaraya Kuching, Sarawak telah melalui beberapa fase perkembangan, yaitu (1) periode tahun 1839 – 1852, (2) periode tahun 1852 – 1932, (3) periode tahun 1932 – 1966, dan (4) periode tahun 1968 – 2019. Rancangan pembangunan baru Masjid Bahagian Kuching ini juga bukanlah sekedar untuk menyediakan tempat beribadat bagi keperluan umat Islam yang bertambah, tetapi juga merupakan hasrat hendak mendirikan sebuah bangunan Islam yang indah yang boleh mencerminkan masyarakat yang baru dan bersepadu.

DAFTAR PUSTAKA

Buku

- Abdullah, Abd Rahman. *Sejarah Dan Tamadun Asia Tenggara*. Kuala Lumpur: Utusan Publications & Distributors Sdn Bhd. 2000.
- Al-Ahmadi, Abd. Rahman. *Sejarah Kedatangan Islam ke Asia Tenggara*. Kuala Lumpur: Penerbit Kementerian Kebudayaan Belia dan Sukan. 1981.
- Ayub E, Moh; Mk Muhsin; Ramlan H. *Manajemen Masjid*. Jakarta. 1996.
- Abdurrahman, Dudung. *Metodologi Penelitian Sejarah*. Yogyakarta. 2011.
- Fachrudin Hs, *Eksiklopedia Al-Qur'an*. Jakarta: Rineka Cipta. 1992.
- Ahmad Nasir, Mohd Yusof. *Islam di Sarawak: Sejarah Awal dan Faktor-faktor perkembangan Islam di Sarawak*, Jurnal AL-ANWAR Persatuan Bekas Mahasiswa Islam Timur Tengah (PBMITT). Sarawak: Perpustakaan Negeri. 2016.
- Ahmad, Aminah. *Majlis Islam Sarawak (MIS): Organisasi dan peranan dalam perkembangan Islam di Kuching*. Tesis Sarjana Muda, Jabatan Sejarah dan Tamadun Islam. Kuala Lumpur: Universiti Malaya. 1991.
- Anwar Fakhri Omar; Ezad Azraai Jamsari; Jaffary Awang, *Islam di Sarawak dan Sabah*. Kuala Lumpur: Universiti Kebangsaan Malaysia. 2003.
- Al-Qardhawi, Yusuf. *Tuntunan Membangun Masjid*, ter. Abdul Hayyie al-Kattani, (ed.). Darmadi. Jakarta: Gema Insani Press. 2000.

- Chater, W.J. *Sarawak Long ago*. Sarawak: Pustaka Negeri. 1969.
- Foh Pat, Chang. *History of Brunei Darussalam and Sarawak under the rule of sultan of Brunei*. Sarawak: Dewan Bahasa dan Pustaka. 2008.
- Foh Pat, Chang. *Legends & History of Sarawak*. Sarawak: Dewan Bahasa dan Pustaka. 1890.
- Foh Pat, Chang. *History of Sarawak from 6th Century (Buddhist and Hindu influence) to 19th Century when Sarawak was under the rule of Brunei Sultane*. Sarawak: Pustaka Negeri Sarawak Jalan Pustaka, Off Jalan Stadium 93050 Kuching, Sarawak. 2006.
- Foh Pat, Chang. *Kuching Really a cat city?* Sarawak: Dewan Bahasa dan Pustaka, 2006.
- Hassan Kadir, Haji Abdul. *Perkembangan Islam ke Sarawak dlm., Buku Cenderamata Pembukaan Masjid Besar Negeri Sarawak, 20 September 1968*, hlm 37. Dipetik daripada buku Laporan Sekolah Agama Rakyat Negeri Sarawak Tahun 1986 yang disediakan oleh Pusat Penyelidikan Islam, Bahagian Hal-Ehwal Islam, Jabatan Perdana Menteri Cawangan Sarawak. Sarawak: Perpustakaan Negeri Sarawak. 1986.
- Gayoh, Louis Spencer. *Pembangunan Tebingan Sungai Sarawak Sebagai Cerminan Kepada Kesenian Dan Kebudayaan Etnik Di Negeri Sarawak*. Sarawak: Universiti Malaysia Sarawak. 2007.
- Horton, A.V.M. *Brunei Seventy-five Years Ago and The Sarawak Gazzette Journal*. Sarawak: Perpustakaan Negeri. 1914.
- Kantowijoyo, *Pengantar Ilmu Sejarah*. Jakarta: Logos wacana Ilmu. 1999.
- Malek Abdul, Mohamed Roselan. *Kesan Sejarah dan Tempat-tempat menarik Negeri Sarawak Bumi Kenyalang*. Sarawak: Dewan Bahasa dan Pustaka Negeri. 1998.
- Nuvita, Nuvi. *"Masjid Jamik Kauman Sragen; Studi Histori-Arkeologis"*. Yogyakarta: UIN Sunan Kalijaga. 2015.
- Pengurus Masjid Bandaraya Kuching, *Masjid Bandaraya Kuching. Sejarah Masjid Negeri di Bandar Kuching*. Sarawak: Pejabat Masjid Bandaraya Kuching Sarawak. 2000.
- Wijaya, Laely. *"Masjid Merah Panjuan Ciberon; kajian Historis- arkeologis"*.

Yogyakarta: UIN Sunan Kalijaga Yogyakarta. 2008.

Artikel Internet

Zulkifli. "Gerakan Ekonomi dan Budaya (Gebu) Minang Jawa Timur Mengadakan Shalat dan Qurban". <http://Portalbuana.com>. 29 November 2018.

Minangkabau Fashion Heritage "turut ramaikan Fashion Fair 2018 Surabaya". <http://wartasas.com/umum/minangkabau-fashion-heritage-turut-ramaikan-fashion-fair-2018-2018/14:45>. 22 Februari 2019.

Rahmat. "Sirih, Simbol Penghormatan Orang Minang". <http://m.Minangkabaunews.com>. 13 November 2018.

Ikke Dwi A. "Tata Cara Pernikahan Adat Minang". <http://thebridedept.com/24763-2/>. 18 Maret 2019.

Minangkabau's Song Lyrics. "Orde Baru, PRRI, dan Perubahan Sosial di Minangkabau". <http://sastraminangmodern.blogspot.com/2012/10/orde-baru-prri-dan-perubahan-sosial-di.html/m=1>. 25 Februari 2019.

Sumber Wawancara

Agam, Yousri Nur Raja. *Wawancara*. Surabaya. 22 Februari 2019.

Basa, Afrizul Dt. *Wawancara*. Surabaya. 23 Februari 2019.

Ezwardi. *Wawancara*. Surabaya. 22 Februari 2019.

Efrulwan. *Wawancara*. Surabaya. 21 Februari 2019.

Zulkifli. *Wawancara*. Surabaya. 2 Maret 2019.

En. Nur Aiman. *Wawancara*. Kuching. 7 Januari 2019.

En. Muhammad Aizat. *Wawancara*. Kuching. 7 Januari 2019.

Internet

Wikipedia. "Kota Kuching". <https://id.wikipedia.org/wiki/Kuching>. 12 Maret 2019.